

كيف تنجذب النساء

ليه في ولاد جذابين للبنات وولاد تانية لا مع إنهم متساويين في
الماديات ومعايير الوسامة!

جذب البنات أو التظبيط معاهم بتفضل فكرة عالقة في ذهن كل
راجل، ومفيش راجل مش بيفكر إزاي يحصل على علاقة قوية مع
بنت يقدر ياخذ في إطارها كل احتياجاته الإنسانية، الفكرة دي
بتتكون عندنا من أول وعينا ما يبدأ يتشكل ونبتدي نحس بالجنس
الأخر.

ناس كتير مننا كان ليها قصص حب في ابتدائي والفئة الأغلب كان
بيكون ليها كراش كمان مش حب متبادل بين الطرفين. حب ابتدائي
دا شيء أسامي تقريبا في حياة كل ولد وبنت، البنات في ابتدائي كانوا
بينقسموا لفئتين تقريبا.

فئة بتحب الولد الشاطر في دراسته المتفوق اللي بيجابو على كل
الأسئلة، وفئة تانية بتحب الباد بوي اللي بيمهرب من على السور
ويفتح زراير القميص، كل فئة من الفئتين بتحاول ترضي فكرة
عميقة جواها بالانجذاب دا.

علشان نكون أوضح الانجذاب هو استجابة تلقائية لفكرة عميقة
داخل كل بنت.

الولد بيخاف يتكلم في أغلب الأحوال، بيخاف من الرفض، بيخاف من الإهانة المعنوية، أكثر الولاد اللي اتكلموا معايا عن مشاكلهم في الارتباط حسيت إن البنات بالنسبة ليهن كائن غامض أكثر من الفضة! في أغلب الوقت الولد بيتعامل مع البنات على إنها مجهول وبالتالي من المنطقي جداً إنه يخاف من المجهول.

الولد حتى اللي بيتشجع ويروح يكلم البنات بيكون خايف يغلط أي غلطة فيضيع منه كل حاجة، رغبة الولد في إنه يفضل محافظ على مناطق الأمان بتاعته بتفضل مكتفاه وبتخليه مش عارف يتصرف. كل الولاد نفسهم في علاقة مع البنات بس فكرة منطقة الأمان بتفضل مقيداهم.

الولد بيقول أنا إيه اللي يخليني أخاطر وأجازف وأنا آمن في مكاني، وطبعاً اللي بيفكر كدة مش بيعمل أي حاجة.

الخوف من الرفض يمكن هو أكبر مخاوف الشباب من إنه يُقبل على علاقة جديدة، لورا ح للبنات ورفضته فدا معناه إنه حصل على نتيجة مؤلمة، كان ممكن تفضل النتيجة دي مهمة لو مقربش من البنات ودا شيء مريح أكثر.

بس الحقيقة إنه لازم تخرج من منطقة الأمان بتاعتك وتعيد ترسيم حدودها وتحط لنفسك حدود أوسع تناسب الأهداف اللي عاوز تحققها.

الفكرة اللي بتغيب عن معظم الولاد إن البنات بتكون محتاجة ولد أكثر بكتير ما بيكون الولد محتاج بنت في حياته، مع اختلاف دوافع الاتنين في الارتباط طبعًا.

مفيش بنت مش بيسيطر عليها فكرة فارس الأحلام والحصان الأبيض، والدفيء اللي بترجوه من العلاقة اللي هتقيمها مع الشخص المناسب من وجهة نظرها.

زمان كنت بمشي في الجامعة مثلاً أو لما أدخل المول أو أي مكان فيه بنات كثير، كنت بقول دهب يا قوت مرجان. بس مع الأسف الحاجات دي مش للاقتناء.

شخصيتي القديمة في التعامل مع البنات كانت مخلياني زي الزائر في المتحف أقصى ما أملكه هو المشاهدة من بعيد لبعيد.

كانت البنات ممكن تاخذ بزمام المبادرة في بعض الحالات وبعد أول موقف أو مكالمة بتلاقيني مش إختيار مفضل بالنسبة ليها ودا كان مؤلم أكثر.

بيتهياي كثير من الولاد بيعيشوا الحالة دي، اللي هو عاوز ومش طایل أي حاجة. الموضوع بيكون صعب أوي مع أنواع معينة من الشخصيات اللي أنا كنت منهم، مع الأسف.

ما أظنش إن في حد كان ممكن يكون عنده معتقدات ممكن تقف ضده بالنسبة لفكرة الارتباط زيي، لكن قدرت أنسف كل دا.

أنا في وقت من الأوقات كنت أسوء حد ممكن يتعامل في الموضوع دا قبل ما أكسر منطقة الأمان وأخوض التجربة وأشوف حقيقة مختلفة عن اللي كنت فاكرها.

مفيش بنت مش عاوزة تصاحب أو ترتبط بولد تحس معاه بالمشاعر اللي محتاجها كل بنت، بس الفكرة إنه مش أي ولد والسلام. علشان كدا في نموذج موجود وينفع تطبقه على نفسك وتمشي عليه. الأول أنا مكتنتش افرق عنك كتير على فكرة وممكن أكون أسوء بمراحل، بالنسبة للحالات اللي شوفتها وحالي فعلاً أنا كنت من أسوء الناس اللي ممكن تتعامل مع البنات. الفكرة هي إني بدأت أتقصي أسباب الخلل مش إني أرضى بالأمر الواقع وخلص.

سألت نفسي 1000 سؤال وأكثر، حوالين كل حاجة وكل تفصييلة ممكن تسبب خلل في العلاقة بيني وبين البنت أو الحاجات اللي ممكن تخليني بعيد أصلاً.

ساعات كانت المشكلة إني مش بلاقي مواضيع أفتحها مع البنت، بس لو إنت بالشخصية اللي تملي عينها فعلاً هي هتتقبلك في أي وضع وفي أي موضوع مهما كان تافه. كنت ببقى مبسوط وأنا بسأل البنت، إيه اللي شدك ليا؟ وهي بتقول مش عارفة أو بتدي أسباب سطحية أو مش حقيقية علشان هي فعلاً مش عارفة.

ببقى مبسوط علشان وصلت لمرحلة إني فاهم الشخص اللي قدامي أكثر من نفسه، وهي دي مهمة الكتاب دا.

مشكلتنا في أغلب الأحوال إننا بنغفل عن الفطرة دي وبندور على علاقة في حدود أفكارنا، واحتياجنا إحنا بس بعيدًا عن الطرف الثاني عاوز منا إيه!

في موضوع التطبيق مع البنات الكلام اللي كنت بقراه أو بسمعه للبلوجرز في الفيديوها كان كلام سطحي ومش مقنع أوي ليا كله في إطار البنت بتحب إيه وبتكره إيه! البنت بتتقفل من إيه؟ ويحفظك جمل معينة تعمل بيها دخلات على البنت، واللي بيتكلم عن شراء الهدايا واللي يقول خليك حنين البنات بتحب الحنان، أو خليك راجل هي عاوزاك خشن.

كلام سطحي بالنسبة للحقيقة الأعمق اللي عاوز أوصلها لك.

الكلام دا مستحيل ينفحك، لو إنت مش فاهم الفكرة الأصلية والمتشابهة داخل كل البنات تقريبًا.

في الكتاب دة أنا هكلمك عن الدافع وعن ماوراء الدافع لحد ما نوصل لأعمق نقطة في المحيط.

داخل كل بنت أفكار بتسبق عقلها، حاجات بتتحكم في اختيارها قبل هي ما تفكر تختار أصلًا، أفكار هي ملهاش تحكم فيها أو سلطان عليها بالمعنى الحرفي للكلمة، والأفكار دي هي المسؤولة عن الانجذاب أو الفتور عند البنت.

الكلام دة لازم تتعمق فيه وإلا هيبقى باقي الكلام دا بالنسبالك مجرد رتوش، مش هتعرف تستخدمها ومش هتكون مقنع.

قليل جدًا لما حد الأقيه بيتكلم عن دوافع الارتباط الحقيقية عند البنت، محدش ببسأل بسؤال حقيقي، ليه البنت ممكن ترتبط بيا؟ أو ليه اللي رفضتك تقبلت حد ثاني غيرك ممكن تكون إنت أفضل منه بكثير!

إيه الفرق الجوهرى اللي بيفرق بين الشخص المقبول وواحد ثاني مرفوض بعيد عن أي اشتراط سطحي مادي .

ملقتش حد بيتطرق لإنه يتكلم في السيستم بتاع البنت اللي بيتحكم في كل حاجة حتى في أفكارها، محدش بيتكلم عن الأنماط الفكرية والطريقة اللي بتصيغ بيها البنت الأنماط دي واللي على أساسها هتختار الولد ولا لا .

محدش بيحاول يشير لأن في حاجة أعمق من العقل والتفكير المنطقي عند البنت وهي اللي بيكون لها السيادة على أغلب اختياراتها .

علشان كدا قررت في الكتاب دا أشاركك تجربتي في فهم المسألة، وإزاي تتحول من حد ضعيف ومش مرغوب ومش بيصاحب غير البنات اللي محدش عنده رغبة إنه يبصلها، لمستوى الجراندا ماستر، وإزاي تتحكم تتحكم كامل في الموضوع وتاخذ اللي إنت عاوزه وأكثر. الكتاب دا معمول بهدف توعية البنات، والولاد على حدٍ سواء. البنت لازم تفهم نفسها أكثر علشان ما يتمش الاحتيال عليها فكريًا، علشان كدا قررت أكتب لكم الكتاب دا، وأفك الشفرة واحدة

واحدة، وياريت متبخلوش على نفسكوا بالوقت اللي هتقرأوا فيه
مهما كان طويل علشان الموضوع مهم.
على الأقل خالص وبعيداً عن إذا كان عندك رغبة في التنظيم أو لا،
فإنت فيما بعد هتكون رب أسرة وهتكون مُطالب تكون عارف مراتك
ونصك الثاني محتاج لإيه! وإزاي إنت ممكن تكون موفرلها كل
الأسباب المنطقية اللي تخليها تحبك ومع ذلك تبص برا، والموضوع دا
بيحصل غصب عنها.

مشاكل الانفصال أصبحت متكررة جداً ومع إنها نمطية إلا إن
محدث بينتبه ليها كويس علشان يحلل أسباب الانفصال بدقة.
في حالات انفصال كتير بتكون بسبب فقدان حلقات التواصل بين
الزوج والزوجة، وذلك على المستوى العميق اللي الزوجة بتتلقى في
إطاره زوجها.

ساعات كتير بتحس بالرفض ناحيته وهي مش عارفة ليه؟
وهو كمان من الطبيعي إنه بيكون مش عارف، علشان لو فاهم
مكنش هيوصل للمرحلة دي.
بتبتدي الزوجة ترفض تكمل، أو بتختار تكمل، وبتختار إنها تغلط مع
حد ثاني وتكون على اتصال بحد غير جوزها.

علشان مش لاقية معاه الحاجة اللي هي بتدور عليها مع إنه زي ما
قلنا ممكن يكون لطيف جداً وبيعمل كل حاجة تخلي من مسألة
قبوله أمر منطقي جداً. لكن الموضوع عند الجنس الناعم أعمق من

المنطق بكثير، علشان كدا بتخون أو بتنفصل من غير سبب وجيه أو مبرر.

إزاي تتحول من شخص مش بيعرف يظبط، ويخاف يكلم البنت، لحد بيدخل على البنت ويفرض نفسه عليها ويوصل معاها لكل اللي هو عاوزه.

الموضوع لو فهمته صح هتلاقي إن التظبيط بالنسبالك زي الأكل والشرب، وهتلاقي نفسك بتوصل لمراحل متطورة في العلاقة عمرك ما كنت تحلم بيها.

من أكبر الأخطاء اللي بيقع فيها الولد مع البنت هي فكرته عن نفسه اللي بتؤثر بالسلب على أدائه معاها.

كثير من الأولاد بيسأل نفسه أنا إيه اللي هيخلصها تبصلي، هي جميلة وكل الناس عاوزاها وأنا شكلي مش حلو، مش طويل ومعدنيش عربية ومش غني.

معدنيش تفاحة آدم ولا عروق من اللي البنات بتتكلم عنها طول النهار والليل على السوشيال ميديا.

إيه اللي يخلي البنت تبصلي طيب!

بيبتدي يحط العقبات أمام نفسه، ويتعامل مع البنت بعقلية إنه أقل منها دا طبعاً لو اتجرأ وقرب منها، الولاد دول بيكونوا غلبة أوي مع الأسف، ودي بتكون أسوء عقلية ممكن تتعامل في موضوع التظبيط.

الكتاب دا مكتوب للولاد اللي شايفة إن الموضوع مستحيل وإن البنت مش ممكن تبصلهم أو تعبرهم، ودول أصعب حالات بتعامل معاهم فعلاً.

إنجذاب الطرفين لبعض شيء فطري وييسبق احتياجنا للجنس، بس بالنسبة للولاد لما بتكبر وتوصل لسن المراهقة والبلوغ، الاحتياج الجنسي بيبتدي يسيطر على فكرهم أكثر، أما البنت بتفضل على فطرتها في أغلب الأحوال.

مهما كان الأمر منفر ومقزز لكن هو حقيقي مع الأسف! أنا عارف إن الكلام دا ممكن يزعل بعض الناس لكن هي دي الحقيقة، واللي لازم نتفاهم معاهها بدل ما نتجاهلها ونرجع بعد كدا نسأل: ليه البيت بيتخرب؟

في أغلب الأوقات اللي بيحصل فيها خيانة أو انفصال أو شعور بالرفض في العموم، بيكون في حلقات مفقودة عند الرجل في فهمه لطبيعة الست اللي معاه، وهي عاوزه إيه بالظبط؟ ويحاول يراضيها بطرق معينة أو يكسبها في صفه بشكل ما، ولكن بعيد عن السيستم اللي هي شغالة بيه، أو بعيد عن الطريقة اللي ممكن يستخدمها علشان يملي عينها بيه.

كل الحكاية إن طبيعة كلاً من الرجل والست مختلفة، ولها كتالوج مختلف عن الثاني، وإن متعرفش تجيب جهاز إلكتروني أو آلة ميكانيكية وتتعامل معاهها من غير وصف لطبيعتها اللي بتكون في الكتالوج المرفق معاهها.

لطلب النسخة الورقية الكاملة للكتاب تقدر تتواصل علي وتساب

01152337936

01286725886

أو من خلال الوتساب المرفق بصفحة كتاب كيف تنجذب النساء

<https://www.facebook.com/B00kstorek>

fesalfesal500@gmail.com

أو من خلال الإيميل